

Na osnovu člana 187. stav 4. Zakona o zdravstvenoj zaštiti ("Službene novine Federacije BiH", broj 46/10), člana 60. Zakona o zaštiti stanovništva od zaraznih bolesti („Službene novine Federacije BiH“, broj 29/05), te člana 1. u vezi sa članom 5. Pravilnika o organiziranju i načinu rada Kriznog štaba Federalnog ministarstva zdravstva („Službene novine Federacije BiH", broj: 10/12), ministar Ministarstva zdravstva Kantona Sarajevo, d o n o s i

PRAVILNIK O ORGANIZACIJI I NAČINU RADA KRIZNOG ŠTABA MINISTARSTVA ZDRAVSTVA KANTONA SARAJEVO

I – OPŠTE ODREDBE

Član 1.

Ovim Pravilnikom utvrđuje se organizacija i način rada Kriznoga štaba Ministarstva zdravstva Kantona Sarajevo (u daljem tekstu: Ministarstvo).

Član 2.

U većim incidentnim situacijama, kada nije proglašeno stanje prirodne i druge nesreće osniva se Krizni štab Ministarstva zdravstva Kantona Sarajevo, odnosno kantonalnog ministarstva zdravstva (u daljnjem tekstu: Krizni štab).

Veća incidentna situacija iz stava 1. ovog člana je bilo koji događaj koji predstavlja ozbiljnu prijetnju po zdravlje ljudi, u Kantonu, te uzrokuje ili bi mogao uzrokovati veći broj ili vrstu žrtava koje nije moguće zbrinuti redovnom organizacijom rada javnih zdravstvenih ustanova i privatnih zdravstvenih ustanova u Kantonu.

II – ORGANIZACIJA I NAČIN RADA KRIZNOG ŠTABA

1. Organizacija Kriznog štaba

Član 3.

Krizni štab čine:

1. ministar Ministarstva zdravstva Kantona Sarajevo (u daljnjem tekstu: ministar),
 2. predstavnik Uprave civilne zaštite Kantona Sarajevo, imenovan ispred Ministarstva,
 3. rukovoditelji organizacionih jedinica Ministarstva,
 4. stručni savjetnik za odnose s javnošću Ministarstva,
 5. direktor JU Zavod za javno zdravstvo Kantona Sarajevo,
 6. glavni epidemiolog Kantona Sarajevo (u daljem tekstu: Kanton),
 7. predstavnik Stručnog savjetodavnog tijela imenovanog na osnovu člana 64. stav 1. Zakona o zaštiti stanovništva od zaraznih bolesti ("Službene novine Federacije BiH", broj 29/05),
- Pored osoba iz stava 1. ovog člana, ministar, u određenim kriznim situacijama u Krizni štab može imenovati i druge stručne osobe iz pojedinih oblasti.

Krizni štab imenuje svog predsjednika.

Sastav Kriznog štaba iz stava 1. ovog člana mora odražavati jednakopravnu zastupljenost oba spola.

Član 4.

Stručni savjetnik za odnose sa javnošću iz člana 3. stav 1. tačka 4. ovog pravilnika zadužen je da:

- predlaže i provodi planove i postupke izvještavanja javnosti o radu Kriznog štaba,
- prikuplja i obrađuje informacije od značaja za zdravstvo u hitnim situacijama,
- priprema i prezentira informacije za javnost i
- saraduje sa medijima.

Krizni štab za svaki pojedini slučaj krize, i u ovisnosti od vrste i težine krize, imenuje za glasnogovornika jednog člana Kriznog štaba.

Član 5.

Sjedište Kriznog štaba je u Ministarstvu.

2. Način rada Kriznog štaba

Član 6.

Krizni štab, u većim incidentnim situacijama koje predstavljaju ozbiljnu prijetnju zdravlju ljudi u Kantonu, upravlja i koordinira radom javnih zdravstvenih ustanova i privatnih zdravstvenih radnika.

Aktivnosti iz stava 1. ovoga člana Krizni štab provodi do momenta kada nadležni organi Kantona proglase stanje prirodne ili druge nesreće na teritoriju Kantona, a kada ulogu upravljanja akcijama zaštite i spašavanja preuzima kantonalni štab civilne zaštite u skladu sa Zakonom o zaštiti i spašavanju

ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10).

Krizni štab iz stava 1. ovog člana radi u sjednicama.

Krizni štab iz stava 1. ovog člana donosi naredbe i odluke.

Naredbe iz stava 4. ovog člana obavezujuće su za javne zdravstvene ustanove i privatnu praksu, kao i druge pravne i fizičke osobe.

Član 7.

Tokom aktivnosti iz člana 6. stav 2. Krizni štab je dužan saradivati sa štabom civilne zaštite Kantona Sarajevo.

Član 8.

Krizni štab ima preventivnu ulogu u svom radu s ciljem sprečavanja i ublažavanja posljedica na zdravlje ljudi kod većih incidentnih situacija.

U realizaciji cilja iz stava 1. ovog člana, Krizni štab:

- pravi procjenu najgore moguće incidentne/krizne situacije koja prijete zajednici,
- utvrđuje preventivne mjere u skladu sa vjerovatnim opasnostima s ciljem smanjivanja njihovih posljedica,
- donosi planove pripravnosti za moguće poznate incidentne/krizne situacije,
- planira aktivnosti kojima se postiže brz povratak u normalno stanje zajednice i osoba koje sudjeluju u odgovoru.

Član 9.

U slučaju incidentnih situacija iz člana 2. ovog pravilnika Krizni štab može predložiti Vladi Kantona Sarajveo sljedeće mjere:

- uvođenje radne obaveze zdravstvenim radnicima i angažiranje drugih građana,
- angažiranje opreme, lijekova i transportnih sredstava,

- privremeno korištenje poslovnih i drugih prostorija za pružanje zdravstvene zaštite,
- izolaciju i liječenje,
- određivanje posebnih zadataka javnim zdravstvenim ustanovama i nositeljima privatne prakse.

Ukoliko su vanredne okolnosti iz stava 1. ovoga člana zahvatile područje Kantona, o poduzimanju mjera odlučuje Vlada Kantona na prijedlog ministra Ministarstva zdravstva Kantona Sarajevo.

III – FINANSIRANJE RADA KRIZNOG ŠTABA

Član 10.

Krizni štab planira finansijska sredstva i drugu logističku potporu za odgovor na bilo koju incidentnu situaciju koja prijete Kantonu, a koja se osiguravaju iz kantonalnog budžeta.

Član 11.

Za svoj rad članovi Kriznog štaba imaju pravo na naknadu.

Visinu naknade iz stava 1. ovog člana posebnim rješenjem utvrđuje Ministar.

IV - PRELAZNE I ZAVRŠNE ODREDBE

Član 12.

Ovaj pravilnik stupa na snagu danom donošenja.

Ovaj pravilnik biće objavljen na web.stranici Ministarstva.

MINISTAR

Prof.dr Haris Vranić s.r.

Broj: 10-33-409-1.8/21
Sarajevo, 01.03.2021. godine